

善業譬如疊華雖復百斤終不能敵真金一兩如恒河中投一升鹽水無鹹味飲者不覺如巨富者雖多負人千萬寶物無能繫縛令其受苦如大香象能壞鐵鎖自在而去智慧之人亦復如是常思惟言我善力多惡業羸弱我能發露懺悔除惡能修智慧智慧力多

無明力少如是念已親近善友修習正見受持讀誦書寫解說十二部經見有受持讀誦書寫解說之者心生恭敬兼以衣食房舍卧具病藥華香而供養之讚歎尊重所至到處稱說其善不說其短供養三寶敬信方等大涅槃經如來常恒無有變易一切衆生悉有佛性是人能令地獄重報現世輕受善男子以是義故非一切業悉有定果亦非一切衆生定受

大般涅槃經卷第二十九

輔九

大般涅槃經卷第三十  
大般涅槃經師子吼菩薩品之六

輔十

三藏曇無讖譯梵沙門慧嚴觀同翻靈運再浴

師子吼菩薩言世尊若一切業不定得果一切衆生悉有佛性應當修習八聖道者何因緣故一切衆生悉不得是大般涅槃世尊若

一切衆生有佛性者即當定得阿耨多羅三藐三菩提何須修習八聖道耶世尊如此經中說有病人若得醫藥及瞻病人隨病飲食若使不得皆悉除差一切衆生亦復如是若遇聲聞及辟支佛諸佛菩薩諸善知識若聞說法修習聖道若不遇不聞不修習道悉當

得成阿耨多羅三藐三菩提何以故以佛性故世尊譬如日月無有能遮令不得至須彌山邊四大河水不至大海一闍提等不至地獄一切衆生亦復如是無有能遮令不得至阿耨多羅三藐三菩提何以故以佛性故世尊以是義故一切衆生不修習道以佛性力

故應得阿耨多羅三藐三菩提不以修習聖道力故世尊若一闍提犯四重禁五逆罪等不得阿耨多羅三藐三菩提者應須修習以因佛性定當得故非因修習然後得也世尊譬如礪石去鐵雖遠以其力故鐵則隨著衆生佛性亦復如是是故不須勤修習道佛言

善哉善哉善男子如恒河邊有七種人若爲洗浴恐怖寇賊或爲米華則入河中第一人者入水則沒何以故羸無勢力不習浮故第二人者雖沒還出出已復沒何以故身力大故則能還出不習浮故出已還沒第三人者沒已即出出更不沒何以故身重故沒力大故出先習浮故出已即住第四人者入已便沒沒已還出出已即住編觀四方何以故重故則沒力大故還出習浮則住不知出處故觀四方第五人者入已即沒沒已還出出已即住住已觀方觀已即去何以故爲怖畏故第六人者入已即去淺處即住何以故觀賊

近遠故第七人者既至彼岸登上大山無復恐怖離諸怨賊受大快樂善男子生死大河亦復如是有七種人畏煩惱賊故發意欲度生死大河出家剃髮身披法服既出家已親近惡友隨順其教聽受邪法所謂衆生身者即是五陰五陰者即名五大衆生若死來斷

五大斷五大故何須修習善惡諸業是故當知無有善惡及善惡報如是則名一闍提也一闍提者名斷善根斷善根故沒生死河不能得出何以故惡業重故無信力故如恒河邊第一人也善男子一闍提輩有六因緣沒三惡道不能得出何等爲六一惡心熾盛故二不見後世故三樂習煩惱故四遠離善根故五惡業障隔故六親近惡知識故復有五事沒三惡道何等爲五一於比丘邊作非法故二比丘尼邊作非法故三自在用僧鬘物故四母邊作非法故五於五部僧互生是非故復有五事沒三惡道何等爲五一常說無

善惡果故二殺發菩提心衆生故三喜說法  
 師過失故四法說非法非法說法故五為求  
 法過而聽受故復有三事沒三惡道何等為  
 三一謂如來無常末滅二謂正法無常遷變  
 三謂僧寶可破壞故是故常沒三惡道中第  
 二人者發意欲度生死大河斷善根故沒不

能出所言出者親近善友則得信心信心者  
 信施施果信善善果信惡惡果信生死苦無  
 常壞敗是名為信已得信心修習淨戒受持  
 讀誦書寫解說常行惠施善修智慧以鈍根  
 故復遇惡友不能修習身戒心慧聽受邪法  
 或值惡時處惡國土斷諸善根斷善根故常

轉十

三

沒生死如恒河邊第二人也第三人者發意  
 欲度生死大河斷善根故於中沈沒親近善  
 友得名為出信於如來是一切智常恒無然  
 為衆生故說無生道一切衆生悉有佛性如  
 來非滅法僧亦爾無有滅壞一闡提等不斷  
 其法終不得阿耨多羅三藐三菩提要當遠

離然後乃得以信心故修習淨戒修淨戒已  
 受持讀誦書寫解說十二部經為諸衆生廣  
 宣流布樂於惠施修習智慧以利根故堅住  
 信慧心無退轉如恒河邊第三人也第四人  
 者發意欲度生死大河斷善根故於中沈沒  
 親近善友故得信心是名為出得信心故受

持讀誦書寫解說十二部經為衆生故廣宣  
 流布樂於惠施修習智慧以利根故堅住信  
 慧心無退轉徧觀四方四方者四沙門果如  
 恒河邊第四人也第五人者發意欲度生死  
 大河斷善根故於中沈沒親近善友故得信  
 心是名為出以信心故受持讀誦書寫解說

十二部經為衆生故廣宣流布樂於惠施修  
 習智慧以利根故堅住信慧心無退轉無退  
 轉已即便前進前進者謂辟支佛雖能自度  
 不及衆生是名為出如恒河邊第五人也第  
 六人者發意欲度生死大河斷善根故於中  
 沉沒親近善友獲得信心得信心故名之為

出以信心故受持讀誦書寫解說十二部經  
為衆生故廣宣流布樂於惠施修習智慧以  
利根故堅住信慧心無退轉無退轉已即復  
前進遂到淺處到淺處已即住不去住不去  
者所謂菩薩欲為度脫諸衆生故住觀煩惱  
如恒河邊第六人也第七人者發意欲度生

死大河斷善根故於中沉沒親近善友獲得  
信心得信心已是名為出以信心故受持讀  
誦書寫解說十二部經為衆生故廣宣流布  
樂於惠施修習智慧以利根故堅住信慧心  
無退轉無退轉已即便前進既前進已得到  
彼岸登大高山離諸恐怖多受安樂善男子

彼岸山者喻於如來受安樂者喻佛常住大  
高山者喻大涅槃善男子是恒河邊如是諸  
人悉具手足而不能度一切衆生亦復如是  
實有佛寶法寶僧寶如來常說諸法要義有  
八聖道大般涅槃而諸衆生悉不能得此非  
我咎亦非聖道衆生等過當知悉是煩惱過

惡以是義故一切衆生不得涅槃善男子譬  
如良醫知病說藥病者不服非醫咎也善男  
子若有施主以其所有施一切人有一不受者  
非施主咎善男子譬如日出幽冥皆明盲瞽  
之人不見道路非日過也善男子如恒河水  
能除渴乏渴者不飲非水咎也善男子譬如

大地普生果實平等無二農夫不種非地過  
也善男子如來普為一切衆生廣開分別十  
二部經衆生不受非如來咎善男子若修道  
者即得阿耨多羅三藐三菩提善男子汝言  
衆生悉有佛性得阿耨多羅三藐三菩提如  
礫石者善哉善哉以有佛性因緣力故得阿

耨多羅三藐三菩提若言不須修聖道者是  
義不然善男子譬如有人行於曠野渴乏遇  
井其井極深雖不見水當知必有是人方便  
求覓罐綆汲取則見佛性亦爾一切衆生雖  
復有之要須修習無漏聖道然後得見善男  
子如有胡麻則得見油離諸方便則不得見

甘蔗亦爾善男子如三十三天北鬱單越雖是有法若無善業神通道力則不能見地中草根及地下水以地覆故衆生不見佛性亦爾不修聖道故不得見善男子如汝所說世有病人若遇瞻病良醫好藥隨病飲食及以不遇悉得差者善男子我爲六住諸菩薩等說如是義善男子譬如虛空於諸衆生非內非外非內外故亦無罣闔衆生佛性亦復如是善男子譬如有人財在異方雖不現前隨意受用有人問之則言我許何以故以定有故衆生佛性亦復如是是非此非彼以定得故言一切有善男子譬如衆生造作諸業若善若惡非內非外如是業性非有非無亦復非是本無今有非無因出非此作此受此作彼受彼作彼受無作無受時節和合而得果報衆生佛性亦復如是亦復非是本無今有非內非外非有非無非此非彼非餘處來非無因緣亦非一切衆生不見有諸菩薩時節因

緣和合得見時節者所謂十住菩薩摩訶薩修八聖道於諸衆生得平等心爾時得見不名爲作善男子汝言如磁石者是義不然何以故石不吸鐵所以者何無心業故善男子異法有故異法出生異法無故異法滅壞無有作者無有壞者善男子猶如猛火不能焚薪火出薪壞名爲焚薪善男子譬如葵藿隨日而轉而是葵藿亦無敬心無識無業異法性故而自迴轉善男子如芭蕉樹因雷增長是樹無耳無心意識異法有故異法增長異法無故異法滅壞善男子如阿叔迦樹女人摩觸華爲之出是樹無心亦無覺觸異法有故異法出生異法無故異法滅壞善男子如橘得尸果則滋多而是橘樹無心無觸異法有故異法滋多異法無故異法滅壞善男子如安石榴鞞骨董故果實繁茂如石榴樹亦無心觸異法有故異法出生異法無故異法滅壞善男子磁石吸鐵亦復如是異法有故

輔十

六

異法出生異法無故異法滅壞衆生佛性亦復如是不能及得阿耨多羅三藐三菩提善男子無明不能吸取諸行行亦不能吸取識也亦得名爲無明緣行行緣於識有佛無佛法界常住善男子若言佛性住衆生中者善男子常法無住若有住處即是無常善男子

如十二因緣無定住處若有住處十二因緣不得名常如來法身亦無住處法界法入法陰虛空悉無住處佛性亦爾都無住處善男子譬如四大力雖均等有堅有熱有溼有動有輕有重有赤有白有黃有黑而是四大亦無有業異法界故各不相似佛性亦爾異法界故時至則現善男子一切衆生不退佛性故名之爲有阿毗跋致故以當有故決定得故定當見故是故名爲一切衆生悉有佛性善男子譬如王告一大臣汝牽一象以示盲者爾時大臣受王勅已多集衆盲以象示之時彼衆盲各以手觸大臣即還而白王言

臣已示竟爾時大王即呼衆盲各各問言汝見象耶衆盲各言我已得見王言象爲何類其觸牙者即言象形如荻茨根其觸耳者言象如箕其觸頭者言象如石其觸鼻者言象如杵其觸脚者言象如木白其觸脊者言象如牀其觸腹者言象如甕其觸尾者言象如

輔十

七

繩善男子如彼衆盲不說象體亦非不說若是衆相悉非象者離是之外更無別象善男子王喻如來應正徧知臣喻方等大涅槃經象喻佛性盲喻一切無明衆生是諸衆生聞佛說已或作是言色是佛性何以故是色雖滅次第相續是故獲得無上如來三十二相如來色常如來色者常不斷故是故說色名爲佛性譬如真金質雖遷變色常不異或時作釧作釵作槃然其黃色初無改易衆生佛性亦復如是質雖無常而色是常以是故說色爲佛性或有說言受是佛性何以故受因緣故獲得如來真實之樂如來受者謂畢竟

受第一義受衆生受性雖復無常然其次第相續不斷是故獲得如來常受譬如有人姓憍尸迦人雖無常而姓是常經千萬世無有改易衆生佛性亦復如是以是故說受爲佛性又有說言想是佛性何以故想因緣故獲得如來真實之想如來想者名無想想無想

想者非衆生想非男女想亦非色受想行識想非想斷想衆生之想雖復無常以想次第相續不斷故得如來常恒之想善男子譬如衆生十二因緣衆生雖滅而因緣常衆生佛性亦復如是以是故說想爲佛性又有說言行爲佛性何以故行名壽命壽因緣故獲得如來常住壽命衆生壽命雖復無常而壽次第相續不斷故得如來真實常壽善男子譬如十二部經聽者說者雖復無常而是經典常存不變衆生佛性亦復如是以是故說行爲佛性又有說言識爲佛性識因緣故獲得如來平等之心衆生意識雖復無常而識次

第相續不斷故得如來真實常心如火熱性火雖無常熱非無常衆生佛性亦復如是以是故說識爲佛性又有說言離陰有我我是佛性何以故我因緣故獲得如來八自在我有諸外道說言去來見聞悲喜語說爲我如是我相雖復無常而如來我真實是常善男

輔十

八

子如陰入界雖復無常而名是常衆生佛性亦復如是善男子如彼盲人各各說象雖不得實非不說象說佛性者亦復如是非即六法不離六法善男子是故我說衆生佛性非色不離色乃至非我不離我善男子有諸外道雖說有我而實無我衆生我者即是五陰離陰之外更無別我善男子譬如莖葉須臺合爲蓮華離是之外更無別華衆生我者亦復如是善男子譬如牆壁草木和合名之爲舍離是之外更無別舍如佉陀羅樹波羅奢樹尼拘陀樹鬱曇鉢樹和合爲林離是之外更無別林譬如車兵象馬步兵和合爲軍離

是之外更無別軍譬如五色雜纒和合名之為綺離是之外更無別綺如四姓和合名為大衆離是之外更無別衆衆生我者亦復如是離五陰外更無別我善男子如來常住則名為我如來法身無邊無閼不生不滅得入自在是名為我衆生真實無如是我及以我

所但以畢定當得畢竟第一義空故名佛性善男子大慈大悲名為佛性何以故大慈大悲常隨菩薩如影隨形一切衆生畢定當得大慈大悲是故說言一切衆生悉有佛性大慈大悲者名為佛性佛性者名為如來大喜大捨九名為佛性何以故菩薩摩訶薩若不能

捨二十五有則不能得阿耨多羅三藐三菩提以諸衆生必當得故是故說言一切衆生悉有佛性大喜大捨者即是佛性佛性者即是如來佛性者名大信心何以故以信心故菩薩摩訶薩則能具足檀波羅蜜乃至般若波羅蜜一切衆生畢定當得大信心故是故

說言一切衆生悉有佛性大信心者即是佛性佛性者即是如來佛性者各一子地何以故以一子地因緣故菩薩則於一切衆生得平等心一切衆生畢定當得一子地故是故說言一切衆生悉有佛性一子地者即是佛性佛性者即是如來佛性者各第四力何以

故以第四力因緣故菩薩則能教化衆生一切衆生畢定當得第四力故是故說言一切衆生悉有佛性第四力者即是佛性佛性者即是如來佛性者各十二因緣何以故以因緣故如來常住一切衆生定有如是十二因緣是故說言一切衆生悉有佛性十二因緣

即是佛性佛性者即是如來佛性者各四無閼智以四無閼因緣故說字義無閼字義無閼故能化衆生四無閼者即是佛性佛性者即是如來佛性者各頂三昧以修如是頂三昧故則能摠攝一切佛法是故說言頂三昧者名為佛性十住菩薩修是三昧未得具足

雖見佛性而不明了一切眾生畢定得故是故說言一切眾生悉有佛性

善男子如上所說種種諸法一切眾生定當得故是故說言一切眾生悉有佛性

○二總釋

善男子我若說色是佛性者眾生聞已則生邪倒以邪倒故命終則生阿鼻地獄如來說法為斷地獄是故不說色是佛性乃至說識亦復如是

○三總釋

善男子若諸眾生了佛性者則不須修道十住菩薩修八聖道亦見佛性況不修者而得見耶善男子如文殊師利諸菩薩等已無量世修習聖道了知佛性云何聲聞辟支佛等能知佛性

○三總釋

若諸眾生欲得了了知佛性者應當一心受持讀誦書寫解說供養恭敬尊重讚歎是涅槃經見有受持乃至讚歎如是經者應當以好房舍衣服飲食卧具病瘦醫藥而供給之兼復讚歎禮拜問訊善男子若有已於過去無量無邊世中親近供養無量諸佛深種善根然後乃得聞是經名

○三總釋

善男子佛性不可思議佛法僧寶亦不可思議

議一切眾生悉有佛性而不能知是亦不可思議如來常樂我淨之法亦不可思議一切眾生能信如是大涅槃經亦不可思議師子吼菩薩言世尊如佛所說一切眾生能信如是大涅槃經不可思議者世尊是大衆中有八萬五千億人於是經中不生信心是故有能信是經者名不可思議善男子如是諸人於未來世亦當定得信是經典見於佛性得阿耨多羅三藐三菩提

○三總釋

○三總釋

○三總釋

師子吼言世尊云何不說菩薩自知決定有不退心

佛言善男子菩薩摩訶薩常以苦行自試其心日食一胡麻經一七日粳米綠豆

麻子粟米及以白豆亦復如是各一七日食一麻時作是思惟如是苦行都無利益無利益事尚能為之况有利益而當不作於無利益心能堪忍不退不轉是故定得阿耨多羅三藐三菩提如是等日修苦行時一切皮肉消瘦皺減如斷生瓠置之日中其日却陷如

○三總釋

○三總釋

井底星肉盡肋出如朽草屋脊骨連現如重  
繩搏所坐之處如馬蹄迹欲坐則伏欲起則  
僵雖受如是無利益苦然不退於菩提之心  
復次善男子菩薩摩訶薩為破眾苦施安樂  
故乃至能捨內外財物及其身命如奔芻草  
若能不惜是身命者如是菩薩自知必定有  
不退心我定當得阿耨多羅三藐三菩提復  
次菩薩為法因緣剗身為燈氈纏皮肉酥油  
灌之燒以為炷菩薩爾時受是大苦自訶其  
心而作是言如是苦者於地獄苦百千萬分  
猶未及一汝於無量百千劫中受大苦惱都  
無利益汝若不能受是輕苦云何而能於地  
獄中救苦眾生菩薩摩訶薩作是觀時身不  
覺苦其心不退不動不轉菩薩爾時應深自  
知我定當得阿耨多羅三藐三菩提善男子  
菩薩爾時具足煩惱未有斷者為法因緣能  
以頭目髓腦手足血肉施於眾生以釘釘身  
投岩赴火菩薩爾時雖受如是無量眾苦若

心不退不動不轉菩薩當知我今定有不退  
之心當得阿耨多羅三藐三菩提善男子菩  
薩摩訶薩為破一切眾生苦惱願作羸大畜  
生之身以身血肉施於眾生眾生取時復生  
憐憫菩薩爾時閉氣不喘示作死相令彼取  
者不生殺害疑網之想菩薩雖受畜生之身  
終不造作畜生之業何以故善男子菩薩既  
得不退心已終不造作三惡道業菩薩摩訶  
薩若未來世有微塵等惡業果報不定受者  
以大願力為眾生故而悉受之譬如病人為  
鬼所著藏隱身中以呪力故即時相現或語  
或喜或瞋或罵或啼或笑菩薩摩訶薩未來  
之世三惡道業亦復如是菩薩摩訶薩受羸  
身時常為眾生演說正法或受迦宿闍羅鳥  
身為諸眾生說正法故受瞿陀身鹿身兔身  
象身羖羊獼猴白鴿金翅鳥龍蛇之身受如  
是等畜生身時終不造作畜生惡業常為其  
餘畜生眾演說正法令彼聞法速得轉離

輔十

十二

畜生身故菩薩爾時雖受畜身不作惡業當知必定有不退心菩薩摩訶薩於饑饉世見餓衆生作龜魚身無量由旬復作是願願諸衆生取我肉時隨取隨生因食我肉離飢渴苦一切悉發阿耨多羅三藐三菩提心菩薩發願若有因我離飢渴者未來之世速得遠

離二十五有飢渴之患菩薩受如是苦心不退者當知必定得阿耨多羅三藐三菩提復次菩薩於疾疫世見病苦者作是思惟如藥樹王若有病者取根取莖取枝取葉取華取果取皮取膚悉得愈病願我此身亦復如是若有病者聞聲觸身服食血肉乃至骨髓病

悉除愈願諸衆生食我肉時不生惡心如食子肉我治病已常為說法願彼信受思惟轉教復次善男子菩薩具足煩惱雖受身苦其心不退不動不轉當知必定得不退心成阿耨多羅三藐三菩提復次善男子若有衆生為鬼所病菩薩見已即作是言願作鬼身大

身健身多眷屬身使彼聞見病得除愈菩薩為衆生故勤修苦行雖有煩惱不汗其心復次善男子菩薩摩訶薩雖復修行六波羅蜜亦復不求六度之果修行無上六波羅蜜時作是願言我今以此六波羅蜜施一切衆生一一衆生受我施已悉令得成阿耨多羅三

補十

十三

藐三菩提我亦自為六波羅蜜勤修苦行受諸苦惱當受苦時願我不退菩提之心善男子菩薩作是相時是名不退菩提之相復次善男子菩薩摩訶薩不可思議何以故菩薩摩訶薩深知生死多諸罪過觀大涅槃有大功德為諸衆生處在生死受種種苦心無退

轉是名菩薩不可思議復次善男子菩薩摩訶薩無有因緣而生憐憫實不受恩而常施恩雖施於恩而不求報是故復名不可思議復次善男子或有衆生為自利益修諸苦行菩薩摩訶薩為利益他故修行苦行是各自利是故復名不可思議復次菩薩具足煩惱

為壞怨親所受諸苦修平等心是故復名不可思議復次菩薩若見諸惡不善眾生若訶責若與語若驅擯若縱捨有惡性者現為與語有憍慢者現為大慢而其內心實無憍慢是名菩薩方便不可思議復次菩薩具足煩惱少財物時來求者多心不逆少是名菩薩

不可思議復次菩薩於佛出時知佛功德為眾生故於無佛處受邊地身如盲如聾如跛如聾是名菩薩不可思議復次菩薩深知眾生所有罪過為度脫故常與共行雖隨其意罪垢不汙是故復名不可思議復次菩薩了知見無眾生相無煩惱汗無修習道離煩惱者雖為菩提無菩提行亦無成就菩提行者無有受苦及破苦者而亦能為眾生壞苦行菩提行是故復名不可思議復次菩薩受後邊身處兜率天是亦名為不可思議何以故兜率陀天欲界中勝在下天者其心放逸在上天者諸根闇鈍是故名勝修施修戒得

上下身修施戒定得兜率身一切菩薩毀訾諸有破壞諸有終不造作兜率天業受彼天身何以故菩薩若處其餘諸有亦能教化成就眾生實無欲心而生欲界是故復名不可思議菩薩摩訶薩生兜率天有三事勝一今二色三名菩薩摩訶薩實不求於命色名稱

輔十

十四

雖無求心而所得勝菩薩摩訶薩深樂涅槃然有因亦勝是故復名不可思議菩薩摩訶薩如是三事雖勝諸天而諸天等於菩薩所終不生於瞋心妬心憍慢之心常生喜心菩薩於天亦不憍慢是故復名不可思議菩薩摩訶薩不造命業而於彼天畢竟壽命是名命勝亦無色業而妙色身光明徧滿是名色勝菩薩摩訶薩處彼天宮不樂五欲唯為法事是故名稱充滿十方是名各勝是故復名不可思議菩薩摩訶薩下兜率天是時大地六種震動是故復名不可思議何以故菩薩下時欲色諸天悉來侍送發大音聲讚歎苦

薩以口風氣故令地動復有菩薩人中象王  
 人中象王各為龍王龍王初入胎時有諸象  
 王在此地下或怖或倍是故大地六種震動  
 是故復名不可思議菩薩摩訶薩知入胎時  
 住時出時知父知母不淨不干如帝釋髮青  
 色寶珠是故復名不可思議善男子大涅槃

經亦復如是不可思議善男子譬如大海有  
 八不思議何等為八一漸漸轉深二深難得  
 底三同一鹹味四潮不過限五有種種寶藏  
 六大身衆生在中居住七不宿死尸八一切  
 萬流大雨投之不增不減善男子漸漸轉深  
 有三事何等為三一衆生福力二順風而行

轉

十五

三河水入故乃至不增不減亦各有三是大  
 涅槃微妙經典亦復如是有八不可思議一  
 漸漸深所謂五戒十戒二百五十戒菩薩戒  
 須陀洹果斯陀含果阿那含果阿羅漢果辟  
 支佛果菩薩果阿耨多羅三藐三菩提果是  
 涅槃經說是等法是名漸漸深是故此經名

漸漸深二深難得底如來世尊不生不滅不  
 得阿耨多羅三藐三菩提不轉法輪不食不  
 受不行惠施是故名為常樂我淨一切衆生  
 悉有佛性佛性非色不離色非受想行識乃  
 至不離識是常可見了因非作因須陀洹乃  
 至辟支佛當得阿耨多羅三藐三菩提亦無

煩惱亦無住處雖無煩惱不名為常是故名  
 深復有甚深於是經中或時說我或說無我  
 或時說常或說無常或時說淨或說不淨或  
 時說樂或時說苦或時說空或說不空或說  
 一切有或說一切無或說三乘或說一乘或  
 語五陰即是佛性金剛三昧及以中道首楞

嚴三昧十二因緣第一義空慈悲平等於諸  
 衆生願智信心知諸根力一切法中無罣闕  
 智雖有佛性不說決定是故名深三同一鹹  
 味一切衆生同有佛性皆同一乘同一解脫  
 一因一果同一甘露一切當得常樂我淨是  
 名一味四潮不過限如是經中制諸比丘不

得受畜八不淨物若我弟子有能受持讀誦  
書寫解說分別是大涅槃微妙經典寧失身  
命終不犯之是名潮不過限五有種種寶藏  
是經即是無量寶藏所言寶者謂四念處四  
正勤四如意足五根五力七覺分八聖道分  
嬰兒行聖行梵行天行諸善方便衆生佛性

菩薩功德如來功德聲聞功德緣覺功德六  
波羅蜜無量三昧無量智慧是名寶藏六大  
身衆生所居住處大身衆生者謂佛菩薩大  
智慧故名大衆生大身故大心故大莊嚴故  
大調伏故大方便故大說法故大勢力故大  
徒衆故大神通故大慈悲故常不變故一切

衆生無罣闍故容受一切諸衆生故名大  
身衆生所居之處七不宿死尸死尸者謂一  
闍提犯四重禁五無間罪誹謗方等非法說  
法法說非法受畜八種不淨之物佛物僧物  
隨意而用或於比丘比丘尼所犯非法事是  
各死尸是涅槃經離如是等是故名爲不宿

死尸八不增不減無邊際故無始終故非色  
故非作故常住故不生滅故一切衆生悉平  
等故一切性同一性故名無增減是故此  
經如彼大海有八不思議師子吼言世尊若  
言如來不生不滅名爲深者一切衆生有四  
種生如生胎生溼生化生是四種生人中具

有如施婆羅比丘優婆施婆羅比丘迦迦羅  
長者母尼拘陀長者母半闍羅長者母各五  
百子同於如生當知人中則有如生溼生者  
如佛所說我於往昔作菩薩時作頂生王及  
手生王如今所說菴羅樹女迦不多樹女當  
知人中則有溼生劫初之時一切衆生皆悉

化生如來世尊得入自在何因緣故不化生  
耶佛言善男子一切衆生四生所生得聖法  
已不得如本如生溼生善男子劫初衆生皆  
悉化出當爾之時佛不生世善男子若有衆  
生遇病苦時須醫須藥劫初之時衆生化生  
雖有煩惱其病未發是故如來不出於世劫

初衆生身心非器是故如來不出於世善男子如來世尊所有種姓眷屬父母勝諸衆生以殊勝故凡所說法人皆信受是故如來不受化身善男子一切衆生父作子業子作父業如來世尊若受化身則無父母若無父母云何能令一切衆生作諸善業是故如來不

受化身善男子佛正法中有二種護一內二外內護者所謂禁戒外護者族親眷屬若佛如來受化身者則無外護是故如來不受化身善男子有人恃姓而生憍慢如來爲破如是憍故生在貴姓不受化身善男子如來世尊有真父母父名淨飯母名摩耶而諸衆生

猶言是幻云何當受化身身耶若受化身云何得有碎身舍利如來爲益衆生福德故碎其身而令供養是故如來不受化身一切諸佛悉無化生云何獨令我受化身爾時師子吼菩薩合掌長跪右膝著地以偈讚佛如來無量功德聚我今不能廣宣說

今爲衆生演一分衆生無明闇中行世尊能令遠離之衆生往反生死繩如來能施衆安樂佛能施衆安樂故

爲諸衆生修苦行見他受苦身戰動爲諸衆生受大苦如來爲衆修苦行心處邪風不傾動衆生常欲得安樂

如來能教令修習佛見衆生煩惱患常思離病諸方便一切衆生行諸苦如來演說真苦樂世間皆處無明殼

惟願哀憫聽我說具受無邊百種苦是故世稱爲大悲放逸迷荒無安樂是故永斷生死繩自於已樂不貪樂

是故世間與供養處在地獄不覺痛是故無勝無有量成就具足滿六度是故能勝世大士而不知修安樂因

猶如慈父愛一子心苦如母念病子是故此身繫屬他其心俱倒以爲樂是故稱號爲大悲無有智甯能破之

輔

十八

如來智甯能沮壞  
不為三世所攝持  
覺知涅槃甚深義  
有河洄澗沒衆生  
如來自度能度彼  
能知一切諸因果

常施衆生病苦藥  
外道邪見說苦行  
如來演說真樂行  
如來世尊破邪道  
行是道者得安樂  
非自非他之所作

如來所說苦受事  
成就具足戒定慧  
以法施時無妬吝  
無所造作無因緣  
是故一切諸智者  
常共世間放逸行

是故名為最大子  
無有名字及假號  
是故稱佛為大覺  
無明所盲不知出  
是故稱佛大船師  
亦復通達盡滅道

是故世稱大醫王  
因是能得無上樂  
能令衆生受快樂  
開示衆生正真路  
是故稱佛為導師  
亦非共作無因作

勝於一切諸外道  
亦以此法教衆生  
是故稱佛無緣悲  
獲得無因無果報  
稱說如來不求報  
而身不為放逸汗

是故名為不思議  
如來世尊無怨親  
我師子吼讚大悲

世間八法不能汗  
是故其心常平等  
能吼無量師子吼

去未

大般涅槃經卷第三十

輔十

大般涅槃經卷第三十一

合一

三藏聖無識譯梵沙門惠嚴惠觀同謝靈運再治

迦葉菩薩品第二十四

迦葉菩薩白佛言世尊如來憐憫一切衆生  
不調能調不淨能淨無歸依者能作歸依未  
解脫者能令解脫得八自在為大醫師作大

藥王善星比丘是佛菩薩時子出家之後受  
持讀誦分別解說十二部經壞欲界結獲得  
四禪云何如來記說善星是一闍提斷下之  
人地獄劫住不可治人如來何故不先為其  
演說正法後為菩薩如來世尊若不能救善  
星比丘云何得名有大慈憫有大方便佛言